



CXIX.

Nervezeitung Wie die Schlacht zu
Dngern mit dem Tzserkischen Keyser
ergangen: Hatt einer vonn Wien
so dabey gewest: herauff jen
Dringen Geschriben.
Ad. D. XXVI.



Uerwe zeyttung/wie sich die Schlacht zu Ungern
mit dem Türckischen Keyser ergangen hat.



Mersten bin ich kommen zu Königl
cher Mayestat vñ Ungern/ gen Dul
na. xvj. meil vnder Ofen/ da sein vber
vier Tausent man nit bey jm gewesen
vnd haben vnns stet vbel besorgt/ wir
werden durch vereterey im Doiff da
rch etliche Ungern zu nacht verbriet/
inn dem hatt sich ein zwittracht erhebt
zwischen beyden Furier des Königs vñ Ungern/ vñ des Bis
choffs von Gran/ wann sie sein zusammen komen/ fur ein
herberg/ vnd ein yeder hat seinen herren daretin lasieren wol
len/ da hat des von Gran Furrier gesagt/ warumb nicht/ ist
doch mein herr König vnd nit dein her/ dem hat man daru
ß saltz geben/ vnd mit knütteln wol gebügelte/ das er gesto
ßt ist.

Item darnach ist meniglich gezogen vñ Ungern/
Bolacken/ Winden/ vñ was der König fur volck vermocht
das hat man weytter gerückt gen Batha/ ist iij. meil vñ
Dulna/ da sein wir auch etlich tag gelegen/ vnd haben noch
nit haubtleut gehabt/ da ist kein Ordnung im heer gewest/
vnd haben die Ungern selbst einander nider geschlagen vnd
geschossen/ Darnach hat man Thamoipaul den münchen
vnd den herr Jögen/ sein zwen Ungern Capitani zu haub
tleut erwelt/ da hat man weiter gerückt gen Mahatsch/ ligt
als nach einander an der Thonaw/ da hat man ein gewal
tige Wagenburg beschloffen/ vnd sich daretin gelegert vñ
ist da iederman zusammen komen/ als ongeuerlich bei 30000
man zu Ross vnd fues/ vnd bey fünff hundert wegen hab
sie gehabt/ da ist der König mit seinen Rächen vberinköm
er wöl sich vnderstehenden Türcken zuschlagen/ seindt auch
im here bey jm gewesen vil Bischoff/ Prielaten vñ Herren

des Vnngerlands/die weil in gepotten war/ bey verliering
ihrer güter zuthun/ Aber es solt ein kindt verstanden haben/
das sie etliche Vngern selbst iren König verkauffen vnd ver-
raten haben wöllen/ Ein solch vngeschickte regiment haben
sie gefuert/ man hat nie kein müsterung gethan/ nie kein schla-
cht ordnung gemacht/ das man ein prob hett versucht/ wie
man sich zu ernst halten solt.

Item am xxix. tag Augusti/ist man frö auffgewest/vñ
sich gerüst mit dem Türcken zuschlahen/ wann er ist nur ein
halbe meyl vom vñs gelegen/ vñd hats vñs vñs alles ver-
pient/ was er zu wegen bringen mocht/ das wir oft viii. vñ
x. feur sahen/ vñs vñd vñs vñs ein halbe meil/ vñ der Türck
hat sein kuntschafft gewis vñd güte ob vñs gehabt/ aber wir
gar nichts/ wen der König het gar kein gelt/ kuntschafft da
mit zu machen/ vñd habens seine herren auch villicht nit ha-
ben wöllen/ dan jr vil habens heimlich mit dem Türcken ge-
habt. Also ist man für die wagenburg hinaus zogen/ vñd ein
schlecht Ordnung gemacht vñs die acht stundt/ da haben
sich die Türcken ein wenig sehen lassen/ alls vñs unser geschütz
noch auff dem wasser wäre/ welches mann zu der schlacht
ordnung gefuert/ so ich es anderst ein Ordnung nennen sol/
darnach sein etlich Büchsen bey der Wagenburg püßen/vñ
da haben wir angehebt zuschießen/ wo man by Türcken hat
reychen mügen/ vñ haben also vñ acht zoten gescharnitzet
vñ gebesert bis zu der iiii. stund gen der nacht/ vñd die Tür-
cken hetten noch kein schuß/ bis wir zu dem rechten angriff
eilten/ da haben sie sich mit gwalt sehen lassen/ vñd sein gegē
vñs zogen/ vñd wir auch stracks auff sie/ alls wir schier zu-
sammen kamen/ da wichen die Türcken mit listen wider hin-
der sich bis zu irem geschütz/ das sie vergraben vñd verborgen
hatten/ etwas bey Trez Hundert stücken/ klein vñnd gros/
vñd als wir furzogen bis nahent zu irem geschütz/ da haben
sie grausamlich an zu schiessen/ also das niemant püßen
mocht/ als solchs waret schier ein stünd/ da gab des Munchs

volck die flucht/ vñnd darnach eylet yederman der Wagens-
burg zu/ welche nit besetzt/ auch durch die Vngern geöffnet
vñd zurissen ware/ darob erschlug er die Christen jemerlich/
vñd wenn die Wagenburg vnzerrent püßen were/ das man
sich daraus het weren mügen/ die feinde hetten vñs nichts
gethon/ aber da war kein treu oder hilff bey vil Vngerischen
böswichtē/ sunder ein grausame flucht. Etliche habe auch
gros güte auß den wegen geworffen/ damit sie desfer leicht-
licher flüchen möchten/ vñnd menigklich sein harnaschfals-
ten lassen.

Item der Türck als man vñs sagt/ist bey zwey Hundert
Tausent starck/ vñnd braucht Rodisser volck zum geschütz/
damit sie balde sollen erwürgt werden. Er hat auch Keme-
elier/ die legt er in die Weinberg vñnd lest es alles verderben/
abessen/ verpient vñd erwürgt alles was er an han kummen
vñnd erlangen mag. Es was auch ein gantz gemeyn ge-
rucht in vnserm leger/ der Türckisch Keyser hab zwey schaf
volckts/ etlichen Vngerischen herren geben/ jme in das länd
Vngern zuhelffen/ darumb hatt er dem König von Vngern
geschuhen er sol still sitzen/ was er sein volck zeyhern wöl im
krieg zufuere/ er hab ein Landt gekaufft das wöl er besetzen
vñd einmessen/ hat darnach zwey büschel vber die Trab ge-
macht/ dabey die Schlacht geschehen ist.

Item als er Peter wardem (ist ein Schloss) gewonnen/
hat sein volck funff hundert Christen geköpffe/ vñd jr yeder
ein kopff auff sein spies gesteckt/ vñ also in einem Triumph
ein gezogen/ vñnd da hatt einer auff dem platz ein Oracion
vñnd Rede gethon/ nach der Oracion da haben sie alle die
köpff vor dem Keyser fallen lassen.

Es ist yetzt so ein jemerlich ding in Vngerland/ das Got
möchte erbarmen/ bey den armen leuten die verpennet sein/
auch hyn vñd her fliehen/ auff vñd ab im landt/ vñd wissen
nit wohyn/ an zal vil weib vñd kinder/ weynen vñd schreyē
das es zu erbarmen ist/ Darzu ist so gros rauberey vñd mör-
der

bercy/welcher das mag der thut das/die Ungern gleich alle
Türcken/veruolgent yederman/Sie haben mir mein Ross/
Rock vnd wer genommen bis an das hemdt/Vnd wo wir zu
den bunnen sein können/in dem herauff ziehent/haben vns
die Ungerischen weiber das wasser versaget/vnd sein also er-
hungert/das wir vns vndereinander vmb die schlehen auff
dem veld dungen/bis wir wider in Teutich land kamen.

Item es sein ob Trey hundert Lands knecht mit da gewes-
sen/die alle sie auff iren kosten hinab zogen/golten so wenig
als ein hundt/vnd wie sie heut kommen sein/morgen haben
sie den andern tag müssen in die schlacht dretten/vnd wü-
den zu dem geschütz verordent/an das in einicher sold bezalt
würde/ich glaub auch nit das ir einer darvon kommen sey/
ist schon einer vberpilsen/so haben in die Ungern erschlagen
Sunst hat der Ungerisch König teutsch Velleut bey im an
seinem hoff gehabt ein gut teyl/vnd seine teutsche rüstung/
auff Kürsch vnd ander/der bey Trey hundert waren/vnder
denen hat er in der Schlacht gehalten/Aber niemant weys
wo er hynkömen ist/Ich glaub warlich etliche Ungern müs-
sen in erschlagen vnd verporigen haben/die weil der Türck
in nit finden kune.

Es hat sich auch sunst vil selzamer sachen verlauffen in der
Schlacht/das ich es erzüde nit als schreiben kan. Ich hab
bey zir. hundert gülden wert in Ungern müssen verlassen/
bin dardurch nit wenig verdoiben/so sten wir zu Wien noch
in grossen sorgen vnd ängsten/Verlasset ir Oberlender vns/
so ist der Türck vber ein Jar bey euch/hiemit spar dich Gott
geunt. Datum zu Wien Anno 16. im XXvj.





